

火金姑來𤇑𤇑路

播出時間：2022 / 4 / 20

星期三 中午 12:00

報報小達人：801 陳柏郡

稿件編輯：陳思恩老師

各位老師，各位同學，大家午安，我是 801 陳柏郡，我是今天的報報小達人，今天，我要為大家播報的內容，是：火金姑來𤇑𤇑路

會記得是父親節彼日的暗暝，四籬輾轉的田蛤仔聲吼無停，秋清的東風一陣一陣，予人免吹電風都好睏、好安眠。已經玩規工的電腦矣，兩蕊目睏玩甲強欲出汁，毋知啥物緣故，心肝頭有淡薄仔阿雜。

越頭看暗眠摸的窗仔外，南片彼坵芋仔園遐，敢若有光點爍咧爍咧，敢是骨力的作田人咧破田水？抑是一寡歹囡浪蕩的害仔組，按算下半暝欲出跤手？五個月前彼擺的三更半暝，烏暗中的車燈佻手電仔火予人睏袂去，雖然遠遠毋知 咧變啥魷，阮嘛是敲電話去派出所報案。隔兩工了後，聽講彼是來偷鉸電線的，落尾有予警察搜著！

毋過目睏前這個光影毋是車燈，嘛無手電仔火遐大葩，干焦一點光影。烏暗中微微仔的光影，綴清涼的東風佻田蛤仔合奏的交響曲咧跳 làng-suh。啊！火金姑！是火金姑，雖然干焦一隻火金姑，嘛是予人看甲惹神去。頭起先伊覓兩輾圓籬仔，繼落來閣覓兩遍 S 形，了後恬靜無影跡，消失佇芭蕉欒佻楠仔樹彼搭。

獨獨一隻，獨獨一擺，無矣！毋管咱按怎繩、按怎等，十分鐘過去矣，攞無閣有火金姑的影跡。是講咱哪著共家己看甲遐重要？一隻火金姑哪有可能管待你遐痴情！換一個角度來想，毋免出門去到深山林內，就有火金姑家己飛來咱的面頭前，我真正愛知足矣。

結局，人彼隻火金姑是來𤇑𤇑路的，伊是專工𤇑𤇑阿爸來佻我見面的。雖然有人講「日有所思，夜有所夢」，毋過欲夢著親人，袂當注文、袂當按算，毋是欲捏就有的。佳哉，天公伯仔自然有伊巧妙的安排。

「阿爸，我共你扞啦！」看阿爸毋但免坐輪椅，嘛毋免閣扞壁行路。伊倚甲真好勢，笑神猶原遐爾緣投、慈祥。就佇房間口遐，看著阿爸已經跛健手健，毋免人共扞，我實在足歡喜的，雖然猶未赴佻阿爸加講兩句仔，人就醒矣！這擺佻阿爸的夢中相見，我無哭，無像進前哭甲連枕頭布都澹去。這應該是彼隻火金姑的功勞，多謝呢！熱天暗暝會𤇑𤇑路的火金姑，實在予人期待！

以上是今天的 Happy 播，多謝收聽！期待下次再相見！